

## Andere wind

Dinsdagmerge, de lucht is blauw  
't strand leupt vol en heer lig ik nou  
is 't d'n tiende of d'n elfde  
elke daag liekt heer 't zelfde  
't werme zand, 't drinke lauw

ik wil nar Ierland, kalt en naat  
nar die iene kroeg woar ik toen zaat  
bij din vriendelijke alde baas  
verwarming hoeg en nog 'n glaas  
en toen door tot 's oaves laat

umdat 't doar altied anders is  
aalt 't gevoel dat ik heer wat mis  
zal ik zegge wat dat is?

't is de wind, andere wind  
kumt in mien neus  
kan d'r ni neave  
andere wind, ik heb gen keus  
't keumt in mien neus  
ge mot meeje vergeave  
umdat 't doar altied anders is

al zolang ni mier gedoan  
met zien alle urges hin gegoan  
nou zitte weej hier bij elkaar  
en ik loep nar boete en ik staar  
ik kiek of ik 'n ster zij stoan

ik wil terug de berge in  
um boave wir dat meer te zeen  
zo hoeg dat ik 't neet begreep  
zo stil dat ik 'm bijna kneep  
woar alles in 't niks verdween

umdat 't doar altied anders is  
aalt 't gevoel dat ik heer wat mis  
zal ik zegge wat dat is?

umdat ik soms zonne eikel bin  
zit ik heer, wil ik doar wir hin

bin ik doar, mis ik miene hond  
bin ik heer, wil ik de wereld wir rond

[Tekst en muziek: Jack Poels]

[cd 'Vandaag', HKM 2000]